



Carrier Global Corporation dan subsidiari serta sekutunya (secara kolektif, “Carrier”) bertanggungjawab bagi privasi sistem permohonan pekerjaan dalam talian dan perekrutan serta sebarang maklumat yang mungkin diberikan oleh seseorang individu dalam usaha mencari peluang pekerjaan di Carrier. Carrier mempunyai sistem yang berlainan bagi menerima dan menilai permohonan pekerjaan di berlainan negara. **Notis Privasi Pemohon Pekerjaan** ini merangkumi sistem elektronik yang telah dilaksanakan oleh Carrier bagi permohonan pekerjaan dan proses yang mungkin digunakan oleh sesetengah lokasi yang tidak melibatkan sistem dalam talian. Untuk kedua-dua pendekatan, Carrier telah melaksanakan langkah-langkah teknikal, pentadbiran dan fizikal untuk melindungi sebarang maklumat peribadi yang mungkin kami kumpulkan.

Sistem permohonan pekerjaan dalam talian dan perekrutan Carrier termasuk tapak web Kerjaya, yang digunakan untuk merekrut, membolehkan individu memohon pekerjaan dengan Carrier dan memastikan Carrier mematuhi keperluan undang-undang dan kawal selia dalam penerimaan permohonan pekerjaan. Sistem ini disediakan untuk pelawat menyemak dan mungkin memohon peluang pekerjaan di Carrier. Jangan gunakan sistem permohonan pekerjaan dalam talian dan perekrutan Carrier bagi sebarang tujuan lain.

Dengan pengecualian yang terhad, Carrier hanya menerima permohonan daripada individu yang berumur sekurang-kurangnya 18 tahun. Jika anda berumur di bawah usia 18 tahun, jangan berikan maklumat peribadi anda kepada Carrier bagi tujuan memohon pekerjaan melainkan anda diarahkan untuk berbuat yang sebaliknya.

Notis ini boleh diubah suai dari semasa ke semasa dengan menyiarkan kemas kini. Kami menggalak anda untuk menyemak Notis ini secara tetap bagi sebarang perubahan.

Apakah maklumat peribadi yang mungkin dikumpulkan oleh Carrier?

Untuk menyemak siaran pada sistem permohonan pekerjaan dalam talian Carrier, berkomunikasi dengan Carrier tentang kerja kosong dan memohon pekerjaan dengan Carrier, anda akan diminta memberikan maklumat peribadi anda. Dengan variasi di negara tertentu, yang mungkin tidak meminta beberapa elemen data ini atau mungkin diminta sebaik sahaja pekerjaan anda disahkan atau bermula, maklumat peribadi yang anda mungkin diminta berikan termasuk:

- Nama
- Maklumat hubungan, termasuk alamat rumah, telefon rumah dan alamat e-mel
- Tarikh Lahir
- Dokumen atau nombor pengenalan kerajaan, termasuk lesen pemandu
- Sejarah pekerjaan
- Pendidikan



- Resume atau CV dan/atau surat pengiring, termasuk sebarang maklumat yang anda berikan dalam dokumen tersebut
- Kewarganegaraan dan/atau kediaman kekal yang sah
- Kelayakan untuk bekerja, termasuk dokumentasi status imigresen
- Minat dalam peluang pekerjaan
- Soalan khusus pekerjaan yang berkaitan dengan kesesuaian calon untuk pekerjaan tertentu
- Rujukan (jika anda memberikan maklumat tentang individu lain, anda mesti memperoleh persetujuan mereka sebelum memberikan data itu kepada Carrier)
- Maklumat yang kami mungkin perlu tanya mengikut undang-undang negara tertentu, seperti sama ada anda pernah bekerja untuk agensi kerajaan, sama ada anda mempunyai talian persaudaraan dengan seorang pegawai kerajaan, pegawai Carrier atau ahli Lembaga Pengarah Carrier atau sama ada anda tertakluk pada perjanjian terbatas dengan majikan semasa atau bekas majikan
- Maklumat yang anda berikan untuk mencipta soalan dan jawapan keselamatan yang anda gunakan untuk mengesahkan identiti anda apabila anda kembali ke tapak web tersebut
- Tempat anda mendapat tahu tentang kerja kosong tersebut
- Sebarang maklumat lain yang anda mungkin ingin berikan sebagai sebahagian daripada permohonan anda
- Maklumat yang diberikan oleh tapak pihak ketiga, jika anda memohon kerja kosong melalui tapak pihak ketiga

Di Amerika Syarikat dan wilayah A.S., Carrier dikehendaki oleh undang-undang untuk menjemput individu untuk memberitahu sendiri tentang etnik, jantina, status veteran dan maklumat kecacatan mereka. Maklumat tersebut adalah sukarela sepenuhnya dan keputusan anda untuk memberikan atau menahan sebarang maklumat itu tidak akan mempengaruhi cara kami mempertimbangkan anda untuk pekerjaan.

Untuk pekerjaan dan lokasi tertentu, anda mungkin akan diminta untuk menjalani pemeriksaan perubatan, pendengaran atau penglihatan, ujian dadah, pemeriksaan latar belakang atau rekod jenayah. Ini akan hanya dilakukan dengan persetujuan anda, tetapi dalam keadaan tertentu, tawaran pekerjaan anda mungkin bergantung pada kejayaan anda melengkapkan salah satu pemeriksaan ini atau lebih. Carrier tidak melakukan pemeriksaan rekod jenayah jika dilarang berbuat demikian oleh undang-undang. Carrier boleh mengesahkan maklumat yang diberikan dalam permohonan anda, seperti rujukan, rekod dan lesen memandu, pendidikan dan sejarah pekerjaan anda, tanpa mendapatkan persetujuan tambahan daripada anda.

Jika anda mengakses sistem permohonan pekerjaan dalam talian Carrier pada peranti mudah alih, tapak web itu akan mengumpulkan maklumat yang diperlukan untuk berkomunikasi dengan peranti anda dan menyediakan sebarang penyesuaian yang anda mungkin minta. Maklumat ini mungkin termasuk pengenalan atau nombor peranti, pembawa dan lokasi anda.



Selain itu, Carrier memantau pola trafik pengguna di tapak web permohonan pekerjaannya, termasuk nama domain, jenis pelayar, tarikh dan masa akses pengguna serta halaman yang dilihat. Pelayan web kami mengumpulkan nama domain tetapi tidak mengumpulkan alamat e-mel pelawat. Maklumat ini dikumpulkan bagi mengukur bilangan pelawat ke tapak web kami dan untuk menentukan bahagian tapak web yang didapati berguna oleh pengguna berdasarkan jumlah trafik ke bahagian tertentu. Carrier menggunakan maklumat ini untuk meningkatkan pengalaman pengguna dan menyediakan kandungan yang lebih baik berdasarkan minat pengguna.

Bagaimanakah Carrier mungkin akan menggunakan maklumat peribadi yang dikumpulkannya?

Sebarang maklumat peribadi yang dikumpulkan mungkin akan digunakan untuk:

- membenarkan anda memohon pekerjaan dengan Carrier dan menilai permohonan anda, termasuk tanpa batasan mengatur dan menjalankan penyaringan melalui telefon, temu duga dan penilaian lain yang berkenaan.
- mempelawa anda untuk memohon dan mempertimbangkan anda bagi peluang lain yang mungkin tersedia atau akan tersedia.
- menghubungi anda berhubung dengan permohonan atau peluang lain atau menyampaikan perubahan
- mengesahkan pemeriksaan rujukan, menjalankan pemeriksaan latar belakang mengikut kewajaran dan menjalankan penyaringan pihak yang dilarang
- memudahkan pengambilan dan pentadbiran pekerjaan anda, jika anda diambil bekerja
- mematuhi keperluan undang-undang dan kawal selia yang melibatkan pemohon pekerjaan, yang mungkin termasuk menyediakan laporan kepada agensi kerajaan
- memberi anda peluang untuk menawarkan maklum balas tentang pengalaman anda, seperti melalui tinjauan
- menjalankan analisis terhadap trend pemohon untuk memahami dan meningkatkan amalan perekrutan Carrier
- mengesahkan identiti anda untuk memastikan keselamatan bagi salah satu tujuan lain yang disenaraikan di sini
- memastikan atau meningkatkan keselamatan elektronik Carrier
- melindungi daripada penipuan
- menjalankan penyiasatan dalaman dan mematuhi kewajipan undang-undang

Dengan siapakah Carrier berkongsi maklumat peribadi yang dikumpulkannya?

Carrier tidak akan menjual atau berkongsi maklumat peribadi anda di luar syarikat keluarga Carrier, melainkan dengan:



- penyedia perkhidmatan yang telah dilantik oleh Carrier untuk melaksanakan perkhidmatan bagi pihak kami. Carrier akan hanya berkongsi maklumat peribadi dengan penyedia perkhidmatan yang Carrier telah menandatangani kontrak yang melarang mereka daripada menggunakan atau mendedahkan maklumat itu kecuali apabila diperlukan bagi melaksanakan perkhidmatan bagi pihak kami atau bagi mematuhi keperluan undang-undang.
- mematuhi kewajipan undang-undang, termasuk jika kita diperlukan berbuat demikian oleh undang-undang, sebagai respons kepada permintaan undang-undang yang sah daripada pihak berkuasa penguatkuasaan undang-undang atau pengawal selia kerajaan yang lain
- menyiasat aktiviti haram yang disyaki atau sebenar
- mencegah kecederaan fizikal atau kerugian kewangan
- menyokong penjualan atau pemindahan kesemua atau sebahagian daripada perniagaan atau aset kami (termasuk melalui kemuflihan)

Carrier mempunyai beberapa penyedia perkhidmatan yang membantu dengan sistem permohonan pekerjaan dalam taliannya. Penyedia ini mengurus tapak web, menyediakan storan sandaran, membantu dengan siaran pekerjaan, mendayakan temu duga video dan memudahkan perekrutan calon. Carrier juga mungkin akan menggunakan penyedia perkhidmatan lain tetapi mana-mana penyedia perkhidmatan yang digunakan adalah bagi tujuan yang dikenal pasti dalam Notis ini dan akan menyediakan perkhidmatan di bawah kontrak seperti yang disebutkan di atas.

Di manakah Carrier menyimpan maklumat peribadi anda?

Oleh sebab Carrier ialah sebuah syarikat global dengan lokasi di pelbagai negara, kami mungkin akan memindahkan maklumat anda dari satu entiti yang sah ke entiti lain atau dari satu negara ke negara lain bagi mencapai tujuan yang disenaraikan di atas. Negara ini termasuk, paling sedikit, Amerika Syarikat, banyak negeri ahli Kesatuan Eropah, Kanada dan negara lain, termasuk beberapa negara di Asia seperti India. Kami akan memindahkan maklumat peribadi anda konsisten dengan keperluan undang-undang yang berkenaan dan hanya setakat yang diperlukan bagi tujuan yang ditetapkan di atas.

Carrier bergantung pada mekanisme undang-undang yang ada untuk membolehkan pemindahan maklumat peribadi secara sah merentasi sempadan. Setakat Carrier bergantung pada klausa kontrak standard (juga dipanggil klausa model) atau Peraturan Korporat yang Mengikat untuk membenarkan pemindahan, Carrier akan mematuhi keperluan tersebut, termasuk apabila mungkin terdapat konflik antara keperluan itu dengan Notis ini.

Berapa lamakah Carrier menyimpan maklumat peribadi anda?



Untuk calon yang tidak berjaya, Carrier akan menyimpan maklumat permohonan anda bagi tempoh maksimum tiga tahun dari tarikh aktiviti terakhir, kecuali undang-undang atau peraturan, mahkamah, prosiding pentadbiran atau timbang tara atau keperluan audit memerlukan sebaliknya. Untuk calon yang berjaya, Carrier menyimpan maklumat anda mengikut Notis Privasi Pekerja.

Jika anda mahu maklumat peribadi anda dikemas kini, dibetulkan atau dipadamkan, e-mel kepada carrier.recruiting@carrier.com. Melainkan undang-undang atau peraturan, mahkamah, prosiding pentadbiran atau timbang tara atau keperluan audit menghalang pepadaman, Carrier akan memadam maklumat peribadi anda dalam tempoh masa yang munasabah dan hanya menyimpan log nama anda, tarikh permintaan pepadaman anda, pekerjaan yang anda mohon dan negara tempat anda mohon. Carrier menyimpan maklumat ini untuk menunjukkan bahawa ia telah mematuhi permintaan anda.

Selepas tempoh penyimpanan dan untuk pemohon yang telah meminta pepadaman, Carrier boleh menyimpan data tanpa nama bagi tujuan statistik untuk memahami dan menambah baik amalan perekrutannya.

Apakah pilihan yang saya ada tentang cara Carrier menggunakan maklumat peribadi anda?

Anda mempunyai pilihan tentang sama ada untuk memberikan maklumat peribadi anda kepada Carrier atau tidak, tetapi jika anda memilih untuk tidak memberikan maklumat anda, Carrier tidak dapat mempertimbangkan anda untuk sesuatu jawatan. Carrier hanya meminta maklumat yang diperlukannya bagi menilai anda untuk sesuatu jawatan yang anda mungkin mohon, untuk mengesahkan masa anda melog masuk ke sistem permohonan dalam talian kami dan seperti yang diperlukan oleh undang-undang yang berkenaan.

Bagaimanakah Carrier menggunakan kuki atau teknologi pengesanan lain?

Kuki ialah fail teks kecil yang dihantar dan disimpan pada komputer pengguna yang membenarkan tapak web untuk mengenali pengguna berulang, memudahkan akses pengguna ke tapak web dan membolehkan tapak web untuk mengumpulkan data agregat yang akan membolehkan penambahbaikan kandungan. Kuki tidak merosakkan komputer atau fail pengguna. Petunjuk web ialah imej grafik telus, kerap hanya bersaiz satu piksel, yang membolehkan tapak web untuk menjejaki aktiviti di tapak tersebut.

Carrier menggunakan kuki dan petunjuk web pada tapak web Kerjaya dan tapak siaran pekerjaan Carrier yang lain untuk mengumpulkan data penggunaan secara agregat dan tanpa nama supaya Carrier boleh memperbaiki fungsi tapak web tersebut. Carrier juga mungkin akan menggunakan kuki untuk meningkatkan pengalaman pengguna anda. Sebagai contoh, tapak web tersebut mungkin membenarkan anda untuk memilih



bahasa dan/atau lokasi geografi yang diutamakan, yang akan disimpan bagi lawatan akan datang.

Tapak web yang menyiarkan pekerjaan ini juga menggunakan kuki daripada penyedia perkhidmatan Carrier. Kuki ini mengandungi ID sesi untuk mengurus aktiviti anda semasa sesi. Penyedia perkhidmatan kami juga menggunakan kuki untuk menentukan sama ada anda telah mengemudi ke tapak web ini dari tapak luar untuk menjejaki keberkesanan siaran luaran.

Jika anda tidak mahu kuki diakses dengan cara ini atau mana-mana tapak Carrier lain, anda harus melaraskan tetapan pada program pelayar anda untuk menafikan atau menyahdayakan penggunaan kuki. Anda boleh menemui maklumat tambahan tentang kuki dan petunjuk web di <http://www.allaboutcookies.org/>.

Apakah yang anda harus faham tentang pautan pihak ketiga yang mungkin muncul pada tapak web ini?

Dalam sesetengah keadaan, Carrier mungkin memberikan pautan ke tapak web yang tidak dikawal oleh Carrier, yang Carrier akan melakukan usaha yang wajar untuk mengenal pasti. Carrier tidak mengawal tapak web pihak ketiga seumpama itu, walau bagaimanapun dan tidak boleh bertanggungjawab bagi kandungan atau amalan privasi yang digunakan oleh tapak web lain. Tambahan lagi, Notis ini tidak mentadbir urus maklumat yang dikumpulkan mengenai anda oleh pihak ketiga.

Apakah maklumat tambahan yang harus diketahui oleh pengguna tertentu?

Penduduk California mempunyai hak di bawah Akta Pengguna Privasi California (**CCPA**), berkuatkuasa pada 1 Januari 2020, termasuk hak untuk:

- [mengetahui kategori maklumat peribadi anda yang telah kami kumpulkan dan gunakan, termasuk kaedah maklumat peribadi tersebut dikumpulkan;](#)
- [mengetahui kategori maklumat peribadi yang dijual atau didedahkan dan jika dijual atau didedahkan, kategori pihak ketiga yang menerimanya;](#)
- [mengakses maklumat peribadi yang dikumpulkan mengenai anda; dan](#)
- [meminta agar maklumat peribadi anda dihapuskan.](#)

[Permintaan untuk menggunakan hak berdasarkan CCPA adalah tertakluk kepada pengesahan Carrier dan sekatan tertentu di bawah CCPA. Carrier tidak akan melakukan diskriminasi terhadap penduduk California kerana menggunakan hak CCPA mereka yang berkenaan.](#)

[Walaupun penduduk California mempunyai hak untuk tidak memilih penjualan maklumat peribadi mereka di bawah CCPA, Carrier tidak menjual maklumat peribadi kepada pihak ketiga. Sekiranya amalan kami berubah, kami akan mengemas kini](#)



[Pemberitahuan Privasi ini dan mengambil tindakan yang diperlukan untuk mematuhi undang-undang yang berkenaan.](#)

[Penduduk California yang ingin menggunakan hak CCPA mereka boleh menghubungi Carrier di \[privacy@carrier.com\]\(mailto:privacy@carrier.com\), atau menggunakan \[borang web\]\(#\); sila masukkan "Hak Privasi California" dalam subjek permintaan anda dan terangkan permintaan anda. Anda juga boleh menghubungi Carrier mengenai CCPA di 1-833-617-0050.](#)

Seperti yang diterangkan oleh "Shine the Light Law" California, penduduk California setiap tahun boleh meminta dan mendapatkan maklumat yang dikongsi dengan perniagaan lain bagi penggunaan pemasaran langsung mereka sendiri dalam tahun kalendar sebelumnya. Carrier tidak berkongsi maklumat peribadi anda dengan perniagaan lain bagi penggunaan pemasaran langsung mereka sendiri.

Pengguna dari Kesatuan Eropah dan negara lain yang mempunyai undang-undang privasi: Anda berhak untuk membuat aduan kepada pihak berkuasa perlindungan data negeri atau negara, yang juga mungkin dikenali sebagai pihak berkuasa penyeliaan. Anda juga berhak untuk menarik balik persetujuan, meminta akses dan pembetulan atau pemadaman maklumat peribadi anda, meminta larangan ke atas atau membantah pemprosesan maklumat peribadi tertentu dan meminta kemudahan data dalam keadaan tertentu. Sila hubungi Carrier dengan apa-apa permintaan untuk mengakses, membetulkan, memadam, membantah atau meminta larangan atau kemudahan, menggunakan kaedah perhubungan di bawah.

Pengguna dari Amerika Syarikat: Carrier tidak mengumpulkan Nombor Keselamatan Sosial melalui www.corporate.carrier.com. Namun, Carrier mengumpulkan Nombor Keselamatan Sosial yang diperlukan oleh undang-undang, seperti cukai dan pembayaran gaji bagi pekerjanya. Apabila Carrier mengumpulkan dan/atau menggunakan Nombor Keselamatan Sosial, Carrier akan berhati-hati dengan melindungi kerahsiaan, mengehadkan pengumpulan, memastikan akses atas dasar perlu tahu, melaksanakan perlindungan teknikal yang sesuai dan memastikan pelupusan yang betul.

Bagaimanakah cara untuk anda membetulkan atau mengubah maklumat peribadi anda?

Untuk mengubah maklumat anda pada salah satu sistem permohonan pekerjaan dalam talian Carrier, anda boleh melog masuk ke profil anda dan buat apa-apa pembetulan



atau pemadaman yang diperlukan. Jika anda telah memohon pekerjaan dengan cara lain (seperti e-mel), hubungi orang hubungan perekrutan tempatan anda. Untuk melaporkan masalah dengan tapak web Kerjaya atau untuk mengemukakan soalan atau kebimbangan, e-mel kepada carrier.recruiting@carrier.com.

Bagaimanakah anda boleh menghubungi Carrier?

Sekiranya anda ingin mengakses, membetulkan atau mengemas kini maklumat peribadi anda, atau jika anda mempunyai pertanyaan mengenai amalan privasi Carrier secara umum atau aduan, atau anda ingin menghubungi Pegawai Perlindungan Data yang ditugaskan untuk syarikat Carrier tertentu, sila e-mel kepada privacy@carrier.com.

Jika anda mempunyai sebarang komen atau soalan atau jika terdapat perkara lain yang boleh kami lakukan untuk memaksimumkan nilai sistem atau tapak web siaran pekerjaan Carrier, sila e-mel kepada carrier.recruiting@carrier.com.

Kali terakhir dikemas kini: 6 Mac 2020